

ampliores ipsimet pro Circumstantiis postulent, quo Casu Judex in hujus concessione aut denegatione præcedentibus Ordinationibus se accommodare debeat.

CAPUT IV.

De Litis Denunciatione, et Eviotione.

§. 61.

Qui Jus habere credit quempiam, puta Venditorem in Casu, quo in fundo pro libero sibi vendito alius quis servitutem subinde prætendat, eo adstringendi, ut contra tertium, & quidem in Casu prænarrato contra servitutem prætendentem Litem moveat, ac prosequatur; Is hanc Litem eidem, antequam Libellus Actionalis contra tertium porrigatur, denunciare debet, secus Litem a semetipso inchoatam is, cui Lis denunciari poterat, in se suscipere amplius non tenebitur.

§. 62.

Si is, cui Lis denunciata fuerit, in Litem suscipiendam sponte consentiat, vel per Judicem ad id adstringatur, in Arbitrio denunciantis esto, utrum Litem cum illo communi Consilio peragere, an vero in eundem totum litigandi Onus, quin ipsemet interveniat, transferre velit; in posteriori tamen Casu omnia Documenta, seu adminicula, quæ possideat, Litem suscipienti erga Apocham tradere tenetur.

§. 63.

Eodem modo, qui Jus habere credit, tertium, ut Evictorem in Litem evocandi, id in regula ante lapsum dimidii termini, pro responsione sibi assignati, in Causis vero §. 2. exceptis saltem ante duplicam, in quæstione Actoratus porrigendam faciet, secus provocatus Evictionem in se suscipere non tenebitur.

§. 64.

Facta ad Evictorem provocatione pro hoc evocando Terminus idem, qui ipsi Reo præstituitur.

stitutus erat, concedendus est, hic autem si aut se Evictione non teneri, vel super evictorem habere censuerit, id ipsum Judicio intra dimidium Terminum, pro responsione sibi assignati, indicare tenebitur.

§. 65.

Controversia super quaestione, num Evictio praestanda sit, vel minus seorsim inter Evictorem, & evincendum extricanda est, principalis vero Causa interea, ea tamen duntaxat Conditione, in suspenso relinquatur, si Reus ad Evictorem provocans desiderante Actore, legitimare poterit, semet negotium Evictionis debite proseguere, atque ita si pars adversa quaestionem Evictionis morose tractari adverteret, illius determinationem, vel pro re nata principalis etiam Causae prosecutionem petere poterit, ac Judex etiam determinare debebit.

§. 66.

Superata Evictionis Quaestione, in Causa principali primus Terminus pro porrigenda

Re-

Responsione, vel in Causis §. 2. exceptis duplica a die insinuatae sententiae computandus totus decurrito.

§. 67.

Quod de Evictione statutum est, idem & de ulteriori Evictione per Evictorem nefors provocata, sive de superevictione intelligendum est.

§. 68.

Si ex Decisione Controversiae super Evictione appareat, eandem temere, ac solummodo Litis remorandae Causa interpositam fuisse, Jus esto adversario in Causa Principali Indemnitatem suam ob damna, e protractione Causae sibi enata, postulare.

CAPUT V.

De Reconventionione.

§. 69.

Reus Conventus, si justam Causam Actorem extraneum reconveniendi habere credat,

Re-